

续资质通鉴长编

續貴州通志卷之四

續資治通鑑長編卷四百五十七

宋 李燾 撰

哲宗

元祐六年夏四月辛卯三省言吏部奏供備庫副使趙思復乞以磨勘轉西京左藏庫副使一官回授男三班差使希元轉借職詔思復爲是趙普之後特許回授餘人毋得引例起居郎權中書舍人孫升言自來臣僚遷加職名或緣功勞或因委任文及丁憂服除閑局自便今白直龍圖閣遷集賢殿修撰不緣功勞不因委任恐非朝廷重名器之意詔命詞行下三月二十六日及除修撰尙書省言戶部奏請應諸路綱運到京如押綱人事故及非時差替并逐急差在岸準備人管押赴泗州排岸司

交割不得占畱仍發遣赴京岸依舊與隨身往來驛券
住程不支其綱引差諸路準備人等管押往合屬路分
轉運使交割從之

新本無此

詔罷今歲幸金明池瓊花苑

先是呂大防以御試芳春宴請賞花釣魚之會以修故
事有詔用三月二十六日而連陰不解天氣作寒未有
花意別擇四月上旬間及將改朔寒亦甚給事中朱光
庭上疏請罷宴大防意未然及對太皇太后諭旨天意
不順宜罷宴衆皆竦服佗日王巖叟奏事罷因進言昨
見三省說已有旨罷賞花釣魚此事甚善人以陛下敬
天意極慰悅今又入夏猶寒天意不順陛下皆不忽是
大好事太皇太后曰天道安敢忽巖叟曰自古人君常
患上則忽天意下則忽人言今陛下乃上畏天意下畏

人言此盛德之事願常以此存心天下幸甚

政目于四月二日罷

賞花釣魚

壬辰宰臣呂大防劉摯奏陳仁宗所錄三十六事內危竿喻一事在三十六事之前注釋失仁宗旨意蓋即意以爲人君居至高至危之地須用正直之人譬如危竿須用正直之木古人謂邪蒿人君不可食食之固無以其名不正況邪佞之人乎

三月一可考

癸巳給事中范祖禹言陸佃以實錄書成恩除龍圖閣直學士按故事無例命下恐致煩言詔佃遷一官熙河蘭岷路經畧安撫使范育言西蕃鄂特凌古蕃字乞賜熟銅五千斤詔賜熟銅千斤令育諭鄂特凌古熟銅於漢法係禁止爲爾恭順朝廷特賜之意

政目云四日賜聞喜宴

甲午交趾國遣人入貢 尙書省言陝府係銅鐵錢交界之處西人之來必須換易銅錢方能東去卽今民間以鐵錢千七百始能換銅錢一千遂致鐵錢愈輕銅錢愈重百物隨貴爲害最深今欲陝州并硤石鎮東去人有稅物願於本處換易銅錢者并以所納稅錢爲限十分許換易二分稅錢一千已下全許換錢雖多每名不得換過五千陝州并硤石鎮兩驛東去官員合支券料錢及東去過軍合支券料等錢如願於陝州并硤石鎮換銅錢者聽其換錢每鐵錢一千支銅錢八百願於陝州并硤石鎮出交子於西京請領者聽從之

新本刪此

乙未詔復置通禮科其解額分數及考校格式等令禮部立法以聞仍令太常寺將開寶通禮重行校定送國

子監頒行

舊錄云熙甯更新科舉之法使士知經遂廢此科今仍復之新錄辨曰神宗實錄既書罷

通禮科今實錄只云詔復置通禮科文

左諫議大夫

鄭雍言昨充北朝生辰國信使伏見朝廷歲以玉帶贈

遺遼人恐歲久有時而盡請自今今後苑作玉工揀選

精玉旋琢新帶以充歲用從之

政目於初四日書琢玉帶充國信

又

言冬春之交陰陽繆盭願詔近臣條具利病明言得失

考之經傳參之今古益廣聰明求治之意詔御史臺行

下

此即劉安世五月初一日所云近臣許言事也

戶部郎中劉昱為京西路

轉運副使左朝議大夫馮如晦為戶部郎中江南東路

轉運副使胡宗師為戶部員外郎利州路轉運判官朱

構為金部員外郎左朝散郎王伯虎為刑部員外郎都

官郎中李閎提點江南西路刑獄權提舉出賣解鹽孫

迴為專切提舉出賣解鹽去年十月十二日政

丙申降詔恤刑 兵部言差發諸軍往廣南路須約所

行程於冬季內到嶺外其得替指揮卻於本季內發回

營違者所差官同徒二年從之新 工部言屋宇門橋

係車駕經由若御坐殿每季輪委丞簿點檢有損者所

屬修葺從之新

丁酉熙河蘭岷路鈐轄李祥陞本路都鈐轄 刑部大

理寺言赦降入馬遞日行五百里事干外界或軍機及

非常盜賊文書入急腳遞日行四百里如無急腳遞其

要速并賊盜文書入馬遞日行三百里違不滿時者答

五十一時杖八十一日杖一百二日加一等罪止徒三

年致有廢闕事理重者奏裁常程文書入步遞日行二

百里違時者日減馬遞五等應僱倩及對換傳送者各杖八十因而盜匿棄毀私拆稽畱者各減正犯人法一等從之禮部言知廣州路昌衡奏請自今除北朝夏國高麗外欲令諸蕃進奉人如遇監司帥臣其驛鋪令迴避安泊從之先是樞密院進擬雄州團練使王崇拯龍神衛四廂都虞候知代州曹誦知雄州知保州李諒知代州新大名府路副總管邢佐臣知保州既得旨於都堂聚議兩御封一追崇拯一追佐臣未得施行須再進呈及對詔以崇拯在雄未久今詔涇原經畧使劉舜卿入領環衛仍以知河陽范子奇代舜卿衆皆不敢承呂大防請別進呈詔又諭樞密院曰佐臣但會陪奉說閑話無他長可從其請令致仕對以因辭免令致仕

無此理候別進呈既退王巖叟謂韓忠彥曰此事須力
諍大防曰若再進呈不得已遂令子奇直帥平涼亦無
害巖叟曰姓名來處不正不可遂與須少抑之大防遽
曰亦未見得忠彥私語巖叟曰諸人不如此說話公猶
有三路體覺微仲不承當否巖叟與忠彥定議平涼邊
面闊決不可以輕付人子奇未嘗試帥恐誤國事非悔
可追是日將朝巖叟又謂大防曰公須重惜平涼大防
曰固也既而進呈延安奏報西賊數入境掠人馬因請
且畱舜卿當涇原俟疆事定徐議太皇太后曰環衛不
甚闕人則宜令在渭大防又曰子奇俟將來帥闕則差
又進呈佐臣文字欲不許其辭免從之

邢佐臣除大名總管要見西賊寇延安故存此事更須
考詳刪修劉摯載此事比巖叟差詳合別修今且附此

此據王巖叟繫
年錄三月二日

四月四日除目密院擬王崇拯管軍同進畫可密院又
以曹誦雄州李諒代州邢佐臣保州既集都堂得批旨
四除並未得行別進呈崇拯習熟入路公魏公魯公門
名譽佐臣有將才然臺衰已甚出入險薄四月六日
下甚熟年七十餘諒端愿予昔曾論以管軍人姓名脚色
進除目密院以前日批旨并具可以管軍人姓名脚色
敷奏皆不若崇拯論曰崇拯用曹誦論曰難得不可不
且須選有功勞之人密院請用曹誦論曰難得不可不
召劉舜卿入來供職左相微仲同對曰難得不可不
涇原邊面最重恐未可輟舜卿論曰向來范純粹慶州
任滿皆可言輟郡代今召舜卿論曰向來范純粹慶州
若更歷萬一誤事論曰太皇自用此人雖有功然邊帥恐
不更佐臣衰老無能只見提掇差遣會箇甚事只是能取
邢佐臣說話為甚不與致仕師朴論曰見教他致仕字
奉人難為因除差遣卻令致仕師朴論曰見教他致仕字
今來人狀別進呈左相卻令致仕師朴論曰見教他致仕字
見本狀別進呈左相卻令致仕師朴論曰見教他致仕字
也崇拯佐臣摯皆不識以所管軍事亦候初八日再取旨
密院數擬佐臣摯皆不識以所管軍事亦候初八日再取旨
名路鈴方辭免未受又除保州杜師益無故換橫行爲大
州鈴又改路鈴又除保州杜師益無故換橫行爲大
云乃知所諭必有聞也詩曰高至無半者外人亦頗云
敬懼乎自向一日許冲元事時摯高在上年者監在茲
還宿衛選一儒帥守平涼左相不謂然今見宣諭雖心

知其是猶退曰舜卿恐不可輟也范五之召後來聞出
于小鳳及范三之祝衆人不知之四月七日集都堂微
仲議欲寢舜卿之召則一切俱不動矣軍職亦未闕事
摯曰上或問以軍職不闕則前日何故擬崇拯如此則
是見有子奇之舉而寢恐未安也微仲曰且如此耳若
不可則以章棗帥渭子奇擊曰蔡京蔣之奇皆可帥渭
以爲不勝任渭則可乎擊曰恐招言語兼子奇皆不可
二亦可微仲曰然則竟如何微仲曰延和奏事得寢舜
帥渭耳摯曰其如公望何四月八日延和奏事得寢舜
卿之召論曰子奇可作帥否對曰可候有闕取旨爾

辛丑御史中丞趙君錫言乞詔輔弼大臣自今堂除差
遣非才行卓然爲衆所推不可輕有選授仍廣行搜訪
疎遠懷材不求名譽之人以備任使其臣僚因陳乞差
遣或到任稱謝表辭輒有矜述已功訴陳淹滯及私請
大臣堂除差遣而怨望不足辭色悖慢者並乞送臺治
罪明加黜謫詔御史臺覺察彈奏仍出榜朝堂中太

一宮使觀文殿學士左銀青光祿大夫兼侍讀馮京乞致仕詔不允令除經筵外遇朔望赴朝參

壬寅詔自今門下省關到小使臣初補及改轉降宣事限三日逐旋投進遇假卽以次日分進其元祐三年閏十二月每旬以一日六日類進條勿用刑部言宰相

合得大程官恩例陳乞換授給使使臣者減二年磨勘大將卽減四年入流近者減殘零年月從之

癸卯知開封府范百祿舉知法曹參軍程伯孫爲推官

此據政目程伯孫除命實錄在二十四日

甲辰尙書省言知洛州平恩縣事孫絳申請應戶絕田土合入廣惠倉者立定程課先問元佃人兩戶以上者亦許分佃無見佃人或不願承佃則徧問四鄰及不願

卽給餘人承佃從之

新無

西上閤門使康州刺史种誼

爲東上閤門使先是御史中丞趙君錫上言士大夫無廉隅以奔競干求成風上之人取士亦係於憎愛勤於丐請或強訐把持往往得所欲而恬默守道之士多以不知見遺宜申飭條禁以厚風俗若有此類或干請怨望并送臺劾治是日輔臣進呈乞檢坐堂除條貫并省院人客條約連臺章榜朝堂仍令行首司告報東西府逐廳勾當人榜客位從之

丁未朝獻景靈宮

戊申詔拂菻國主別賜衣著二百匹銀瓶對衣金束帶庚戌刑部言御河糧綱初係六十分重難差遣其後以河道平穩改作六十分優輕今因小吳決口注爲黃河

水勢嶮惡乞復爲重難從之

尙書省言官員合得支

賜多乞下京西路請領據京西路係應副陵園河防支

費已重請自今官員支賜非因京西路差遣而得者不

許於京西路請從之

新無

司農寺言請依太府寺令官

司不許抽差本寺人吏雖奉特旨及不許執奏畱亦聽

執奏不發遣從之

新無

邇英閣顧臨讀寶訓至除彭乘

爲起居舍人入謝仁宗謂曰知卿久在外補恬退未嘗

自言故擢用卿也宰相呂大防等奏曰仁宗進用恬退

之人欲矯時奔競人君之要在乎知人故曰在知人在

安民而知人堯舜所難若以正爲邪以小人爲君子則

不可蓋君子進則引君子之類爲朋將同心同德而爲

治也小人進則引小人之黨同惡而爲亂也昔唐憲宗

謂宰相裴度曰朕惡夫朋黨者度曰君子小人以類相聚未有無徒者君子之徒同善小人之徒同惡憲宗曰他人之言亦如此也他人謂小人也蓋小人之言亦如此人君辨邪正知君子小人爲難不可不察也簽書樞密院事王巖叟進曰人君常虛心平意無所偏繫於道理上觀事則事之是非人之邪正自然可見矣王中

正以再任宮觀年滿欲求任便居住呂大防劉摯議如所欲大防曰此當與樞密院同進呈王巖叟曰從之則遂來京師矣不可或令在外任猶可大防摯以爲然蘇

轍曰如此政得所也

政目十四日中正提舉毫清可并八此

辛亥河東路蕃官如京副使高永年特遷一官爲莊宅副使充麟州阿爾族都巡檢仍賜莊宅訖更賜錢五十

貫先是河東路帥范純仁言永年粗知文理令執所業詣闕乞與換漢官差遣以無例故有是命 詔宗室進

士及第左承議郎子漪與升一任

子漪誰子當檢討

中書舍

人韓川言奉詔從薛紹彭請賜薛向兩字碑名送臣撰者竊以國朝褒異大臣賜以碑名必有勲業德義非應子孫之求也向雖曾任執政止是財利之臣無取於清議乞罷賜碑名并自今臣僚之家不許陳乞碑額其勲德顯著者從朝廷特賜或委三省考其可賜者具奏取旨從之 禮部言每歲宴賞其合用羊乳房約四百五十餘斤泛索不在其數所用不急而傷生至衆深可惻也請依羊羔例罷供以他物代從之 戶部郎中葉伸爲左司郎中左諫議大夫鄭雍右正言姚勔言伸先辭